

星經

金谿王 謨仁甫輯

姪 璩完璞校

歲星主泰山徐州青州兗州

熒惑主霍山揚州荊州交州

鎮星主嵩高山豫州

太白主華陰山涼州雍州益州

辰星主恒山冀州幽州并州

歲星主角亢氏房心尾箕

熒惑主輿鬼柳七星張翼軫

鎮星主東井

太白主奎婁胃昴畢觜參

辰星主斗牛女虛危室壁

璇璣者謂北極星也玉衡者謂斗九星也

玉衡第一星主徐州常以五子日候之甲子爲東海

丙子爲琅邪戊子爲彭城庚子爲下邳壬子爲廣陵

凡五郡

第二星主益州常以五亥日候之乙亥爲漢中丁亥

爲永昌己亥爲巴郡蜀郡牂牁辛亥爲廣漢癸亥爲

犍爲凡七郡

第三星主冀州常以五戌日候之甲戌爲魏郡渤海

丙戌爲安平戊戌爲鉅鹿河間庚戌爲清河趙國壬

戌爲恒山凡八郡

第四星主荊州常以五卯日候之乙卯爲南陽己卯

爲零陵辛卯爲桂陽癸卯爲長沙丁卯爲武陵凡五

郡

第五星主兖州常以五辰日候之甲辰爲東郡陳留

丙辰爲濟北戊辰爲山陽泰山庚辰爲濟陰壬辰爲東平任城凡八郡

第六星主揚州常以五巳日候之乙巳爲豫章辛巳爲丹陽己巳爲廬江丁巳爲吳郡會稽癸巳爲九江凡六郡

第七星主豫州常以五午日候之甲午爲潁川壬午爲梁國丙午爲汝南戊午爲沛國庚午爲魯國凡五郡

第八星主幽州常以五寅日候之甲寅爲元菟丙寅

爲遼東遼西漁陽庚寅爲上谷代郡壬寅爲廣陽戊寅爲涿郡凡八郡

第九星主并州常以五申日候之甲申爲五原雁門丙申爲朔方雲中戊申爲西河庚申爲太原定襄壬申爲上黨凡八郡

璇璣玉衡占色春青黃夏赤黃秋白黃冬黑黃此是常明不加此者所向國有兵殃起凡有六十郡九州所領自有分而名焉

並後漢書注

秦地於天官東井輿鬼之分壘其界自卯農故關以

西京兆扶風馮翊北地上郡西河安定天水隴西南
有巴蜀廣漢犍爲武都西有金城武威張掖酒泉敦
煌又西有牂牁越嶲益州

下皆列國分野

魏地紫鵠參之分壑其界自高陵以東盡河東河內
南有陳留及汝南之召陵潁疆新汲西華長平潁川
之舞陽鄆陵河南之開封中牟陽武酸棗卷
周地柳七星張之分壑今之河南洛陽穀城平陰偃
師鞏緱氏

韓地角亢氏之分壑韓分晉得南陽郡及潁川之父

城定陵襄城潁陽潁陰長社陽翟郟東接汝南西接
弘農得新安宜陽鄭今河南之新鄭及成臯滎陽潁
川之崇高城陽

趙地昴畢之分壑趙分晉得趙國北有信都真定常
山又得涿郡之高陽莫州鄉東有廣平鉅鹿清河河
間又得渤海郡之東平舒中邑文安東州成平章武
河以北也南至浮水繁陽內黃斥止西有太原定襄
雲中五原上黨

燕地尾箕之分壑召公封於燕後三十六世與六國

俱稱王東有漁陽右北平遼西遼東西有上谷代郡
鴈門南有涿郡之易容城范陽北有新成故安涿縣
良鄉新昌及渤海之安次樂浪元菟亦宜屬焉
齊地虛危之分壑東有菑川東萊瑯琊高密膠東南
有泰山城陽北有干乘清河以南渤海之高樂高城
重合陽信西有濟南平原
魯地奎婁之分壑東至東海南有泗水至淮得臨淮
之下相睢陵僮取慮

宋地房心之分壑今之沛梁楚山陽濟陰東平及東
郡之須昌壽張今之睢陽

衛地營室東壁之分壑今之東郡及魏郡之黎陽河
內之壑王朝歌

楚地翼軫之分壑今之南郡江夏零陵桂陽武陵長
沙及漢中汝南郡後陳魯屬焉

吳地斗女之分壑今之會稽九江丹陽豫章廬江廣
陵六安臨淮郡

粵地牽牛婺女之分壑今蒼梧鬱林合浦交趾九真

南海日南

並史記
正義

按甘石星經已載入何氏叢書此篇乃專論分野
較史記天官書漢書地理志尤詳爲叢書本所未
載始詳見劉昭後漢書天文志注補要之星野之
說實爲古今地理家言大祖故備錄之以冠卷首
若史記正義卷首所引列國分野卽本前漢書志
亦當爲全書綱領故仍鈔出凡十三條

序錄

唐志僧一行大衍歷一卷又歷議十卷

新唐書天文志曰正觀中李淳風撰法象志因漢書十二次度數始以唐之州縣配而一行以爲天下山河之象存乎兩戒爲作十二次分野圖

一行事畧曰一行張姓初名璿郟國公謹之孫武功令檀之子也少聰敏博覽經史尤精歷象陰陽五行之學武三思請與納交逃匿以避之因疾武則天出家嵩山師事沙門普寂改名敬賢後至天

台國清寺得算術益窮大衍明皇強起迎入光泰
殿辭官不受出居華嚴寺草定大衍歷
按唐志大衍歷歷議十篇八日分野朱子謂大衍
歷最詳備鄭漁仲謂其區處分野如指諸掌王伯
厚謂其最得天象之正爲節錄十二次分野圖入
玉海今仍從唐書天文志采錄全篇近當塗徐文
靖位山有天下山河兩戒考注最詳明分畫界段
尤便省覽學者宜參究焉

大衍十二次分野圖

浮梁鄧夢琴箕山參

金谿王謨仁甫輯

天下山河之象在乎兩戒北戒地形自三危積石負
終南地絡之陰東及太華而逾河並雷首砥柱至於
王屋太行乃西北抵常山之石東折循塞垣至滅貊
朝鮮是謂北紀所以限戎狄也故星傳謂之北戒或
謂之胡門南戒地形自岷山嶓冢負終南地絡之陽
東及太華抵商山阻熊耳連外方桐柏南折自上洛

南逾江漢武當荆山至於衡陽乃東折嶺徼達東甌
閩中是謂南紀所以限蠻夷星傳謂之南戒亦謂之
越門華裔之大經也河源自北紀之首循雍州北徼
達華陰而與地絡相會並行而東至太行之曲分而
東流與涇渭濟瀆相爲表裏謂之北河江源自南紀
之首循梁州南徼達華陽而與地絡相會並行而東
及荆山之陽分一水流與漢水淮瀆相爲表裏謂之
南河故於天象則弘農分陝爲兩河之會五服諸侯
在焉自陝而西爲秦涼北紀山河之曲爲晉代南紀

山河之曲爲巴蜀皆負險用武之國也自陝而東三
川中岳爲成周西距外方大伾北至於濟南至於淮
東達鉅野爲宋鄭陳蔡河內及濟水之陽爲鄘衛淮
水之陰爲申隨皆四戰用文之國也北紀之東至北
河之北爲邢趙南紀之東至南河之南爲荆楚自北
河下流南距岱山爲三齊夾右碣石爲北燕自南河
下流北距岱山爲鄒魯南涉江淮爲吳越皆負海之
國貨殖之所阜也自河源循塞垣北東及海爲戎翟
自江源循嶺徼南東及海爲蠻越觀兩河之象與雲

漢所始終而分野可知矣於易五月一陰生而雲漢
潛萌于天稷之下進及井鉞間得坎維之氣陰始達
于地上而雲漢上升始交于列宿七緯之氣通矣東
井據北川上流故鶉首為秦蜀墟得兩戒山河之首
雲漢達坤維右而漸升始居列宿上觜觿參伐皆直
天關表而在河陰故實沈下流得大梁距河稍遠涉
陰亦深故其分野自漳濱卻負恒山居北紀衆山之
東南外接髦頭地皆河外陰國也十月陰氣進踰乾
維始上達於天雲漢至營室東壁間升氣悉究與內

規相接故自南正達於西正得雲漢升氣為山河上
流自北正達于東正得雲漢降氣為山河下流姬訾
在雲漢升降中居水行正位故其分野當中州河濟
間且王良閣道由紫垣絕漢抵營室上帝離宮也內
接成周河內皆豕韋分十一月一陽生而雲漢漸降
退及艮維始下接於地至斗建間復與列舍氣通於
易天地始交泰象也踰析木津陰氣益降進及大辰
升陽之氣究而雲漢沉潛於東正之中故易雷出地
曰豫龍出泉為解皆房心象也星紀得雲漢下流百

川歸焉析木爲雲漢末派山河極焉故其分野自南
河下流窮南紀之曲東南負海爲星紀自北河末派
窮北紀之曲東北負海爲析木負海者以其雲漢之
陰也唯媿訾內接紫宮在王畿河濟間降婁元枵與
山河首尾相遠鄰顓頊之墟故爲中州負海之國也
其地當南河之北北河之南界以岱宗至于東海自
鶉首踰河戒東曰鶉火得重離正位軒轅之柢在焉
其分野自河華之交東接祝融之墟北負河南及漢
蓋寒燠之所均也自析木紀天漢而南曰大火得明

堂升氣天布之都在焉其分野自鉅野岱宗西至陳
留北負河濟南及淮皆和氣之所布也陽氣自明堂
漸升達于龍角曰壽星龍角謂之天關於易氣以陽
決陰夫象也升陽進踰天關得純乾之位故鶉尾直
建巳之月內列太微爲天庭其分野自南河以負海
亦純陽地也壽星在天關內故其分野在商亳西南
淮水之陰北連太室之東自陽城際之亦巽維地也
夫雲漢自坤抵艮爲地紀北斗自乾攜巽爲天綱其
分野與帝車相直皆五帝墟也寃咸池之政而在乾

維內者降婁也故爲少昊之墟叶比宮之政而在乾
維外者娵訾也故爲顓頊之墟成攝提之政而在巽
維內者壽星也故爲太昊之墟布太微之政而在巽
維外者鶉尾也故爲烈山氏之墟得四海中承太階
之政者軒轅也故爲有熊氏之墟木金得天地之微
氣其神治於季月水火得天地之章氣其神治於孟
月故章道存乎至微道存乎終皆陰陽變化之際也
若微者沉潛而不及章者高明而過亢皆非上帝之
居也斗杓謂之外廷陽精所布斗魁謂之會府陽精

所復也杓以治外故鶉尾爲南方負海之國魁以治
內故娵訾爲中州四戰之國其餘列舍在雲漢之陰
者八爲負海之國在雲漢之陽者四爲四戰之國降
婁元枵以負東海其神主于岱宗歲星位焉星紀鶉
尾以負南海其神主於衡山熒惑位焉鶉首實沉以
負西海其神主於華山太白位焉大梁析木以負北
海其神主於恒山辰星位焉鶉火大火壽星豕韋爲
中州其神主於嵩嶽鎮星位焉近代言星土者或以
州或以國虞夏秦漢郡國廢置不同周興王畿千里

及衰僅得河南七縣今天下一統而直以鶉火為周
分則疆場舛矣七國之初天下地形雌韓魏魏地西
距高陵盡河東河內北固漳鄴東分梁宋至汝南韓
據全鄭之地南盡潁川南陽西達虢畧距函谷固宜
陽北連上地皆綿亘數州考雲漢山河之象多者或
十餘宿其後魏徙大梁則西河合於東并秦拔宜陽
而上黨入於輿鬼方戰國未滅星家之言屢有明效
今則同在畿甸中而或者猶據漢書地理志推之是
守甘石遺術而不知變通之數也

新唐書
天文志

按河分兩戒之說元明以來精於測驗者往往譏
其疎謬通雅云星土分野隋唐之志為詳然自西
法圖成則兩戒之說荒唐矣又云河漢以十月收
二月見天下皆然而嶺表臘月晴燠之夜仍見河
漢總不收隱此從古無人道破者愚謂一行此術
不惟俯察地若指諸掌實與觀斗柄而知四時審
中星以驗昏旦同符天象之自然要未可廢而不

錄也 江西通志
原跋

海委文三

分野圖

...


...

...

...

...

...



序錄

隋志榮氏撰遁甲開山圖三卷

後漢書方術傳注曰遁甲推六甲之陰而隱遁也
今書七志有遁甲經

雲麓漫鈔曰世傳遁甲書甲旣不可引何取名爲
遁及讀漢郎中鄭固碑有云逡遁退讓遁卽循字
蓋古字少借用非獨此一碑也則知遁甲當云循
甲言以六甲循環推數也

按隋唐二志五行類載諸遁甲書凡數十種大要

與風角占候六壬九宮相比次為術數家言獨榮
氏遁甲開山圖解皆記天下名山古先神聖帝皇
發迹之處故以開山名書即可以為地理書開宗
第一章書必有圖已久無傳今特鈔出水經注十
七條後漢書注一條文選注二條類聚三條初學
記一條御覽十七條寰宇記四條路史四條

遁甲開山圖

金谿王 謨仁甫輯

姪 韶殿華校

有巨靈

水經注文選注
並引作巨靈胡

者徧得元神一作神元之道

故與元氣一時生混沌

御覽。路史前紀注引此云
鉅靈與元氣齊生為九元真

母能造山川出江河

史記封禪書正義。案水經注
引此文下有所謂巨靈鬣鬣首

冠逢山二句乃酈氏
引西京賦非本文

五龍見教天皇被迹望在無外柱洲崑崙山上

水經注

解曰五龍治在五方為行神五龍降天皇兄弟十

二人御覽引此下有身貌分五方為十二部法五

龍之迹行無為之化天下仙聖治在柱州崑崙山

上無外之山在崑崙東南一萬二千里五龍天皇

皆出此中為十二時神也同五龍皇后君也昆弟

四人皆人面而龍身長曰角龍木仙也次曰徵龍

火仙也次曰商龍金仙也次曰羽龍水仙也父曰

金龍土仙也父與諸子同得仙治在五方文選注

引此下有今五行之神也句

地皇與於龍門熊耳山

解曰地皇兄弟九人水經注引面貌皆如女子貌

皆相類蛇身獸足生於龍門山中

人皇起於刑馬山路史注引作刑馬山提地之圖

解曰人皇兄弟九人生於刑馬山身有九色上並御覽

案路史前紀注引此云山今在秦州伯陽谷水出之老子之所至

伏羲生成紀徙治陳倉水經仇夷山四絕孤立大昊

之治伏羲生處御覽按路史前紀伏羲生於仇夷

即今仇池地與彭池成紀皆西土又以成紀為成起

伏羲生處云起紀本通用詩有紀有堂亦作有起
女媧氏没大庭氏王有天下五氣異色案路史前紀大庭氏之膺

錄也三辰曾輝五風異次有柏皇氏中央氏栗陸氏

色注云見遁甲開山圖驪連氏赫胥氏尊盧氏祝融氏混沌氏吳英氏有巢

氏葛天氏陰康氏朱襄氏無懷氏比十五代皆襲庖

羲之號自無懷氏以上經史不載莫知都之所在

解曰共工氏水德君水火之間霸而不王女媧是

三皇之稱三皇者多有不同以大昊炎帝為二皇

其三或稱女媧或稱祝融或稱共工未知孰是自

女媧至無懷氏十五代合一萬七千七百八十七歲

麗山氏分布元氣各生次序產生山谷

上並御覽

有巢氏王有天下百有餘代未詳年代御覽石樓山在

琅邪昔有巢氏治此山南初學記

解曰城陽縣東北有婁鄉是也路史前紀注

帝少昊死葬雲陽山沙土之浦雲陽之墟可以長

生可以隱居

解曰沙土即長沙也雲陽氏古之仙人姓也因號

雲陽山在衡山之陽並御覽

甘泉宮雲陽先生之墟也中有神書鐵券玉石之記

寰宇記

絳北有陽石山中有神龍池黃帝時遣雲陽先生養龍於此為歷代養龍之處國有水旱不時即祀池請雨御覽

慶都嘗觀三河之首赤帝顯圖奄然風雨慶都遇而

萌之黃雲覆之震十有四月生堯於丹陵按此文本出路史陶

唐氏紀注云見通甲開山圖

女狄暮汲石繙山下泉水中得月精如雞子愛而含

之不覺而吞遂有娠十四月生夏禹類聚。案此條本榮氏解正文

無考

禹遊於東海得玉珪碧色長一尺二寸圓如日月以

自照達幽冥後漢書張衡傳注。案御覽引開山圖禹開委宛山得赤珪如日碧珪如月長

一尺二寸又路史後紀注引此云禹遊龍門入神採玉簡授之長尺二寸禹執簡平定水土疑並即此事

而文有詳畧

熊耳山有金匱石室夏禹藏圖書之所寰宇記

南溟之山金堂玉室上無元氣實滋神化御覽

仇夷積石嵯峨欵峯隱阿清泉涌沸潤氣上流

麗山西北有温池

瀟山圍繞大山為霍山其山上浸雲氣下固窮泉並水

經注

霍山南嶽有雲師雨虎

解曰雲師如蠶長六寸有毛似兔雨虎如蠶長七
八寸似蛭雲雨之時出在石上肉甘可熟而食

霍山南嶽其獸多柴獺

又曰其獸多赤貂

解曰山近水故有柴獺

霍山上有石芝生大石上萬人牽終不拔以竹刀割

之即斷

並御覽

衡山在函谷山西南

隴西神馬山有淵池

文選注一作泉池

龍馬所生

白馬山下常有白馬羣行悲鳴則河決馳走則山崩

解曰山在鄭故北鄭也

絳山東距白馬山

寰宇記引此云絳水出絳山東谷東距白馬山

徐無山出不灰之木生火之石

解曰其木黑色似炭而無葉有石赤色如丹以一

石相磨則火發以然無火

宋本作以然無炭之木

可以終身

盧氏山宜五穀可避水災亦通謂之石城山山在宜

陽山西南千名之山咸處其內陵阜原險易以度身

者也

金門山多重固

大石山下有大石嶺

靈泉池

漢陽西南有祁山谿徑透迤山高巖嶮九州之名咀

天下之奇峻

大山在左亢父在右亢父知生梁甫主死王者封大

山禪梁甫故縣取名焉

石鼓山開山圖本有石鼓於星為河鼓星動則石鼓

作天鼓山

鳴石鼓鳴則秦土有殃鳴淺殃萬物鳴深則殃君王

矣並水經注

河東有獨頭山多青檀可以為良弓初學記

遼東有襄平山多饒鬼目之菜生而有神虎龍蛇大

魚守之雲氣覆之食之令人不飢

解曰鬼目菜形似魚守之常有氣如龍虎蛇魚之

狀

鄭有不毛山上有無為之君分布雲雨於九州之內

解曰不毛山不生樹木古無為君常處其上布灑

雲雨九州之內平均並御覽

驪山之西原有阜名曰風涼雍州之福地文選注。案寰宇記

引此云藍田縣有風涼原當屬榮氏解

斗山凡五穴一通崑崙山一通隴山一通武當山一

通青城山一通長安穴穴中有千歲蝦蟆名曰肉芝

得而食之壽千歲山側有白虎時見焉

温修山實三陽山也謂之温秀盖習俗訛耳並寰宇記

自老子生周青氣凌遲俗儒道士無所通驗

神芝五色生於名山之陰五色雲氣覆之其味甘苦

以銅刀收之

梧桐不生則九州異

解曰梧桐以知月日正閏生十二葉一邊有六葉

從下數一葉為一月至上十二葉有閏十三月小

餘者視之則知閏何月也不生九州各異君天下

不同者也並御覽

赤鴛不見則國無賢白鴛不降則後無嗣

解曰赤鴛言銜書陽精也白鴛言銜鐵券陰精也

不來則國主無後嗣也類聚



Vertical columns of Chinese text, likely a transcription of a sutra or historical record, arranged in a grid-like format. The text is written in a traditional style and is partially obscured by a watermark.



括地圖

金谿王 謨仁甫輯

姪 欽典華校

禹平天下會于會稽之野

文選注○案文選注引此文下即云南經防風之神

怒射之文有脫誤故從類聚參補

誅防風氏夏后盛德二神降之禹

使范氏御之以行經南方防風之臣見禹怒射之有

迅雷二龍升去神懼以刃自貫其心而死禹哀之乃

拔刃療以不死之草皆生是為貫胷國

類聚去會稽萬

五千里

御覽

孟虧人首鳥身其先為虞氏馴獸夏后之末世民始食卵孟虧去之鳳凰隨焉止于丹山去九嶷萬八千里此山多竹長千仞鳳凰食竹實孟虧食木實事類賦注羿年五歲父母與入山其母處之大樹下待蟬鳴還欲取之羣蟬俱鳴遂捐棄羿為山間所養羿年二十能習弓矢書鈔引此下有隨往每食糜餘一杯也句仰天歎曰我將射遠方矢至吾門止因捍即射矢摩地截草徑至羿門隨矢去御覽○案路史注引此誤作括地象奇肱民善為機巧設百禽為飛車從風遠行湯時西

風吹奇肱車至于豫州湯破其車不以示民十年四

風到乃命復作車遣歸去玉門四萬里類聚

殷帝大戊使王孟採藥于西王母至此絕糧食木實

衣木皮終身無妻而生二子從背間出是為丈夫民

去玉門二萬里御覽

馮夸恒乘雲車駕二龍水經注

崑崙山之弱水非乘龍不得至類聚有三足神鳥為

西王母取食史記注

崑崙墟北有玉樹御覽

鍾山之神名曰燭陰視爲晝瞑爲夜吹爲冬吁爲夏
息爲風書鈔

桃都山有大桃樹盤屈三千里上有金雞日照則鳴
下有二神一名鬱一名壘並執葦索以伺不祥之鬼
得則殺之事類賦注本出荆楚歲時記

貫丘之山上有赤泉飲之不老神弓有英泉飲之眠
三百歲乃覺不知死

龍池之山四方高中央有池方七百里羣龍居之多
五花樹羣龍食之去會稽四萬五千里並類聚

天池之山有獸如兔名曰飛兔以背毛飛事類賦注

谷山有叢雲甘雨初學記

二陽二汗之山滅浴之民太寒俱地穴食草木之根

大極山西有采華之草服之通萬里之語類聚

龍山往往有仙人遊龍翔集

鎬泉是河眼亦謂之鎬池並寰宇記

臨城縣東北一百四十里有茶山茶溪按此文當人括地志

大人國其民孕三十六年而生兒生兒長大一本作生兒白

首長能乘雲蓋龍類去會稽四萬六千里

無咸民食土死即埋之其心不朽百年復生去玉關

四萬六千里

白民白首身被髮案淮南子海南三十六國有白民

細民肝不朽死八年復生穴處衣皮

羽民有羽飛不遠多鸞有食其卵去九疑四萬一千

里並御覽

惜烏先生避世于芒尚山其子居焉化民食桑三十

七年以絲自裹九年生翼九年而死其桑長千仞蓋

蚕類也去瑯琊二萬六千里齊民要術

君子民帶劍使兩文虎衣野絲土方千里多薰華之

草好讓故為君子國薰華草朝生夕死

天毒國最大暑熱夏草木皆乾死民善沒水以避日

人時暑常入寒泉之下並類聚

不周之國地寒書鈔

神正有火穴光照千里

神弓在南山石泥渚中

龍魚一名鰕魚狀如龍而有神聖乘此以行九野

越俚之民老者化爲虎

猩猩人面豕身知人名

並御覽

夏桀無道湯放之鳴條三年而死其子獯粥妻桀之

衆妾避居北野隨畜移徙中國謂之匈奴

史記匈奴列傳索隱

引樂彥括地譜路史注訛作樂產括地圖

案括地圖于古無考據裴秀九州制地圖論云周

秦地圖秘書殆絕僅有漢氏及括地諸雜圖粗具


形似不爲精審則此圖在晉以前有之但與本圖

體例不合隨唐志亦不載未知卽此圖與否今共

鈔出史記注一條水經注一條文選注一條類聚

七條初學記一條書鈔三條御覽十七條事類賦

注三條寰宇記二條外樂彥括地譜一條





海國圖志
卷之五
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

海國圖志

地鏡圖

金谿王 謨仁甫輯

姪 鉉夔奏校

古之王者行遊諸侯其所居國國必有三日浸變而

為日中之霧

類聚

欲知寶所在地以大鏡夜照見影若光在鏡中得物

在下也

夫寶物在城郭邱壙之中樹木為之變視柯偏有枯折是其候也視折枯所向寶有其方凡有金寶常變

作積蛇見此便脫隻履若衣以擲之溺之即得凡
寶藏忘不知處以大銅盤盛水着所疑地行照之見
人影者物在下也

視山川多露無霜其下有美玉

視屋上瓦獨無霜者其下有寶藏並御覽

入名山必先齊五十日牽白犬抱白雞以白鹽一勝

一作山神大喜芝草異藥寶玉為出未到山百步呼

曰林林央央此山王名知之却百邪類聚

人望百家宅法中有赤氣者家有貲財白氣人家有

財不保黑氣有玉其伏在宅下青氣者有銀地寶也

御覽

銅器之屬見其狀如望馬輝輝然齊器之象為牛楚

器之象為馬越器之象為蝦蟆宋器之象為白狗秦

器之象為豚燕器之象為豕同上

玉石之精也其在石中若山中石潤而浸旁有水其

居地其氣清而浮其氣青白而圓光轉其地中常潤

初學記

望石氣如浮雲者珠玉之精也事類賦注

相玉見美女子載燭行壇陰從其所出入處尋之石
中有玉矣類聚

二月草先生下垂者有美玉

五月中草木葉有專厚而無汁枝下垂者其地有玉
八月中草木獨有枝葉下垂者必有美玉有云八月
後草木死者亦有玉

青玉之見爲女人黃玉之見爲火及白鼠並御覽

黃金之氣赤黃千萬斤以上光大若鏡盤金氣發

上赤下青也初學記

金百斤以上至三百斤者精如羊

黃金之見爲火及白鼠

金寶化爲青蛇

銀氣夜正白流散在地撥之隨手散復合此是也山

有蔥下有銀光隱隱正白山有磁石下有銅若金

白銀見爲雄雞並類聚

草青莖赤秀下有鉛

草莖黃秀下有銅器並御覽

銅器之精見爲馬

銅錢之器望之如青雲並類

錢之為物無益飢寒之用而儲之家利具不朽古今

行之蓋亦由此又便交宜易小市之宜誠勝寸裂尺

斷破為大小也過此以往無所一用軍國唯穀與帛

錢雖可積未急寶也御覽

凡觀金玉寶劍銅鐵皆以辛之日待雨止明日平日

及黃昏夜半觀之所見光白者玉也赤者金黃者銅

黑者鐵類聚

欲觀金氣以庚辛日其氣象人書鈔

財在邱墟者為木變故木有析枯者其旁有財折所

向在焉其在南方去木八尺其在北方去木六尺

人行日月中無影者神仙人也與虛合體故居日月

中無影履霜無跡火中無影也

山有白氣而鬱鬱中有神龍

望氣見人家黃氣者支子樹也

國治益地則生木于水上案此二條似瑞應圖文

國理君喜則樹木忽自大並御覽

按隋志子部五行類有乾坤鏡二卷注云梁天鏡

地鏡日月鏡四規鏡各一卷地鏡圖六卷亡則地
鏡圖本見隋志至唐志俱不著錄則諸鏡已盡亡
矣然此圖猶散見諸書今並鈔出類聚十一條初
學記二條書鈔一條御覽十八條事類賦注一條



丹壺名山記

金谿王 謨仁甫輯

皇次四世蜀山逐傀六世渾敦七世東戶十七世啟
統三世吉夷四世九渠一世豨韋四世大巢二世遂
皇四世庸成八世凡六十有八世是爲因提之紀倉
頡一世栢皇二十世中央四世大庭五世粟陸五世
麗連十一世軒轅三世赫胥一世葛天四世宗盧五
世祝融二世昊英九世有巢七世朱襄三世陰康二
世無懷六世凡八十有八世是爲禪通之紀又有鉅

靈氏句彊氏譙明氏涿光氏鉤陣氏黃神氏狇神氏
犁靈氏大驪氏鬼驪氏弇茲氏秦逢氏冉相氏蓋盈
氏大敦氏雲陽氏巫常氏秦壹氏空桑氏神民氏倚
帝氏次民氏總曰循蜚紀有號無世自是而上有九
皇氏地皇氏天皇氏又上有盤古氏

史路

按司馬貞補史記三皇本紀稱自開闢至於獲麟
凡三百二十七萬六千歲分爲十紀凡世七萬六
百年一曰九頭紀二曰五龍紀三曰攝提紀四曰
各雒紀五曰連通紀六曰序命紀七曰修飛紀八

曰回提紀九曰禪通紀十曰流訖紀當黃帝時蓋
本春秋緯說路史乃以爲出丹壺各山記而先之
以初三皇紀中三皇紀次九頭五頭攝提各雒運

通叙命六紀在鉅靈氏前循蜚

即修飛

因提

即回

禪

通疏訖


即流訖

四紀在鉅靈氏後據言予旣得丹壺

各山之記又得呂梁碑獲逆帝王之世乃知天未
喪斯文也下乃引丹壺書云云又云自無懷降所
叙與各山記大同又似以丹壺書各山記分爲二
書今皆已無攷但以羅氏足迹最廣見聞極博所

至必訪博士訛旅人求金石之遺於衡陽得雲陽
之從於廣都得盤古之祀於馮翊得史皇之墓於
藍田得尊盧之塚於衡山得祝融之窟於長安得
陰康之冢於肺山得華胥之封於黃龍得女媧之
竭於茶水得炎帝之陵於蛾眉得黃帝之款於離
得帝鴻之坊於雲陽得少昊之埵於陳倉得娥眉
之埵於商於得女英之壟於杼山得夏后之銘則
此丹壺名山記雖不知其所自得要於序次古初
帝皇其發迹遺址必有在諸名山如遁甲開山圖

所陳者故雖不必有關地理亦特以其名次於是
弓之末





海
文
集

山書

地東西為緯南北為經山為積德川為積刑高者為

生下者為死丘陵為牝谿谷為牝蚌蛤龜珠與日月

而盛虛月盛則蚌蛤之屬滿月虧則虛是故堅土之人剛弱土之人

柔墟土之人大沙土之人細息土之人美坻土之人

醜坻耗字也息土細食水者善遊而耐寒食土者無

心而不息蟻屬不氣息也。按博物志引此文下食有食石者肥澤而不老句今家語無

木者多力而不治血氣不治淮男子曰多力食草者而拂戾亦不治之貌者也善走而愚食桑者有緒而蛾食肉者勇毅而悍食氣者神明而壽食穀者智慧而巧不食者不死而神故曰羽蟲三百有六十而鳳為之長毛蟲三百有六十而麟為之長甲蟲三百有六十而龜為之長鱗蟲三百有六十而龍為之長倮蟲三十有六十而人為之長此乾《之》美也《古坤字》乾天《地》

按山書之名于古無攷獨見家語執轡篇子夏述商聞山書以告朱子云而其文乃全出大戴禮本

命篇初不及引山書昔人謂家語本王肅依託為之此篇問答疑即係肅所增益則此山書亦未知古初果有是書與否要其所論可作地理全書綱領若淮南子墜形訓自凡地形以下皆與家語大戴禮文相出入至言山氣多男澤氣多女障氣多暗風氣多聾林氣多癘木氣多偃岸下氣多腫石氣多力險阻氣多瘿暑氣多天寒氣多壽谷氣多痺正氣多狂衍氣多仁陵氣多貪輕土多利重土多遲清水音小濁水音大湍水人輕遲水人重中

土多聖人皆象其氣此又不知采自何書可以互相發明惟以通篇全文太繁故置不錄且以山書名古不忍湮沒故特表而出之

古岳瀆經

金谿王 謨仁甫輯

禹治淮水三至桐柏山驚風迅雷石號木鳴土伯擁
川天老肅兵功不能興禹怒召百靈搜命夔龍桐柏
等于君長稽首請命禹囚鴻蒙氏彰商氏兜氏盧
氏犁婁氏乃獲淮渦水神名無支祈善應對言語辨
江淮之淺深原隰之遠近形若狻猊縮鼻高額青軀
白首金目雪牙頸伸百尺力逾九象搏擊騰越疾利
倏忽視不可久禹投之童律童律不能制投之烏木

田烏木田不能制投之庚辰庚辰能制鴟脾桓胡木
彪水靈山妖石怪奔號叢繞者以千數庚辰以戰遂
去頸瑣木械鼻穿金鈴徙之淮陰龜山之足俾淮水

永安

路史

戎幕閑談曰唐貞元丁丑歲隴西李公佐泛瀟湘
蒼梧偶遇征南從事楊衡泊舟古岸淹留佛寺江
空月浮微異話奇楊告公佐云永泰中李湯任楚
州刺史時有漁人夜釣于龜山之下其鈎因物所
制不復出漁者健水疾沉于下五十丈見大鐵瑣

盤繞山足尋不知極遂告湯湯命漁人及能水者
數十獲其鎖力莫能制加以牛五十餘頭瑣乃振
動稍稍就岸時無風濤驚浪翻湧觀者大駭瑣之
末見一獸狀有如猿白首長鬚雪牙金爪闐然上
岸高五丈許蹲踞之狀若猿猴但兩目不能開兀
若昏昧鼻水流如泉涎沫腥穢人不可近久乃引
頸伸欠雙目忽開光彩若電顧視人焉欲發狂怒
觀者奔走獸亦徐徐引瑣拽牛入水去竟不復出
時楚多知名士與湯相顧愕慄不知其由爾乃漁

者時知瑣所其獸竟不復見公佐至元和八年冬
自常州餞送給事中孟簡至朱方廉使薛公華館
待禮備時扶風馬植范陽盧簡能河東裴籛皆同
館云環爐會語終夕焉公佑復說前事如楊所言
至九年春公佐訪古東吳從太守元公錫泛洞庭
登包山宿道者周焦君廬入靈洞探仙書石穴間
得古岳瀆經第八卷文字奇古編次蠹毀不能解
公佐與焦君共詳讀之禹理水三至桐柏山驚風
走雷石號木鳴五伯擁川天老肅兵功不能興禹

怒召集百靈搜命夔龍桐柏千君長稽首請命禹
因囚鴻蒙氏章商氏兜盧氏犁婁氏乃獲淮渦水
神名無支祁善應對言語辨江淮之淺深原隰之
遠近形若猿猴縮鼻高額青軀白首金目雪牙頭
伸百尺力踰九象搏擊騰蹕疾奔輕利倏忽開視
不可久禹授之章律不能制授之烏木由不能制
授之庚辰能制鴟脾桓胡木魅水靈山妖石怪奔
號聚遶以數千載庚辰以戰遂去頸瑣大索鼻穿
金鈴徙淮陰之龜山之足下俾淮水永安流注海

也庚辰之後皆圖此形者免淮濤風雨之難卽李
湯之見與楊衡之說與苦瀆經符矣

按路史後紀云禹治水主名山川命益疏爲苦瀆
山海二經其於餘論無支祈條則云李公佐於永
和九年從元公錫泛洞庭登包山入靈洞得古苦
瀆經第八卷奇字蠹毀不能解其後周焦君

云云則是此經至唐始出猶有卷目可考何以遂
不復傳於世而其出於洞庭包山又若與靈寶書
同一故事至所云無支祈或卽釋氏以爲泗州僧

伽所降水母而託爲之說亦未可知此皆誕謾未
足據信以其事與文皆奇古不忍沒故特采之以
次於山海經後而并全錄唐人戎幕閒談以明古
苦瀆經說原出於此若太平御覽引淮地淮陽二
記又悉據苦瀆經爲說有詳畧爾

世之... 不... 解

... 人... 周... 之... 未

... 亦... 未... 亦... 未

... 亦... 未... 亦... 未

... 亦... 未... 亦... 未



張子房赤靈經

金谿王 謨仁甫輯

崑崙柱天萬脉由起西北綿亘幽寒莫詣為背為項
為脊為髑下為鬢鬢上為髮際面居秦雍耳目口鼻
幽冀川蜀分左右背懸心關會腹垂洛汭胃腕出納
為汧為渭大河大江經絡營衛大腸膀胱震澤潔濟
青徐以降是謂髓髀瀉為尾間茫汪無際海洲萬國


糞滓塵穢

淵鑑類函

按隋唐志太平御覽俱不載此書目諸類書亦絕

未見稱引惟唐志兵法門有張良經一卷而又
不詳其名亦未必果為形家言也今始從

淵鑑類函地理門搜獲此條雖僅百言而於天下形
勢要害已無不周悉文辭亦極古奧故特采錄以
備地理書一則



叙錄

隋志郭璞山海經圖讚二卷

唐志同

玉海朱氏曰山海諸篇記異物飛走之類多云東向或云東首皆爲一定不易之形疑本依圖畫而爲之非實紀載此處有此物也

楊慎山海經序曰夏后氏之世雖曰尙忠而文反過於成周太史終古藏古今之圖至桀焚黃圖終古乃抱之以歸殷又史言孔甲於黃帝姚姒盤孟之銘皆緝之以爲書則九鼎之圖其傳固出於終

古孔甲之流也謂之曰山海圖其文則謂之山海經至秦而九鼎亡獨圖與經存晉陶潛詩流觀山海圖阮氏七錄有張僧繇山海圖可證已今則經存而圖亡後人因其義例而推廣之益以秦漢郡縣地名故讀者疑信相半信者直以爲禹益所著既迷其原而疑者遂斥爲後人贗作詭撰抑亦軋矣漢劉歆七畧所上其文古矣晉郭璞注釋所序其說竒矣此書之傳二子之功也

按此序專論圖而不及贊今本

圖贊俱亡吳本亦祇有贊無圖

按中興書目山海經十八卷晉郭璞傳凡二十三篇每篇有讚今考隋唐志皆以郭注山海經二十三卷與山海經圖讚分爲二書又郭注內亦惟有銘辭四見無所謂讚也中興書目說似不驗而吳任臣山海經廣注引讚語至二百八十二條是此圖讚當別有傳本往往散見類聚御覽諸書吳氏始盡采入廣注今故據以爲主而仍以散見類聚御覽諸書句有多寡字有異同者隨注於下以脩

參考

南越之南... 南越之南... 南越之南...

南越之南... 南越之南... 南越之南...

南越之南... 南越之南... 南越之南...

郭璞山海經圖讚

武陵趙慎畛邃樓參

金谿王謨仁甫輯

南山經

桂南山經首日招搖之山臨於西海之上多桂

桂生南裔拔翠岑嶺廣莫熙葩凌霜津頰氣王百

藥森然雲挺類聚

祝荼又有草其大如韭而青華其名曰祝餘郭注或作祝茶今本作桂茶

祝荼嘉草食之不飢

迷穀 又有木狀如穀而黑理其華四照其名曰迷穀

爰有嘉樹產自招搖厥華流光上映雲霄佩之不

惑潛有靈標

狴狴 又有獸狀如禺而白耳伏行人走其名曰狴狴

狴狴似猴走立行伏櫬木挺力少辛明目 御覽引上四句

猴作 蜚廉迅走豈食斯肉 案此上三條並屬招搖山故以又字相屬為文

狐 下放

白猿 堂庭之山多桮木多白猿多水玉多黃金

白猿肆巧由基撫弓應眇而號神有先中 御覽脫中二句

數如循環其妙無窮 類聚

水玉 見上郭注水玉今水精也

水玉沐浴潛應洞淵赤松是服靈蛻乘煙吐納六

氣升降九天

鹿蜀 枉陽山有獸狀如馬而白首其文如虎如赤尾其音如謠其名曰鹿蜀

鹿蜀之獸馬質虎文攘首吟鳴矯足騰羣佩其皮

毛子孫如雲 御覽

旋龜 怪水中多旋龜其狀如龜而烏首虺尾其名曰旋龜

聲如破木號曰旋龜修辟似鼉厥鳴如鴟人魚類

鯀出於洛伊

鯀 祗山有魚狀如牛陵居蛇尾有翼其羽在鯀下其音如留牛其名曰鯀

魚號曰鯀處不在水厥狀如牛鳥翼蛇尾

類聚御覽並引

上四 隨時隱見倚乎生死

類 直爰山有獸狀如狸而有髦其名曰類

類之爲獸一體兼二近取諸身用不假器窈窕是

佩不知妬忌 正字通

獬 基山有獸狀如羊九尾四耳其目在背其名曰獬

獬 詭似羊眼反在背視之則竒推之無怪欲不恐

懼厥皮可佩 御覽

鵠 又有鳥狀如鷄而三首六足六足三翼其名曰鵠

鳥首虺尾其名旋龜鵠六足三翼並翬

灌 灌 青邛山有鳥狀如鳩其音若呵各曰灌灌

厥聲如呵厥形如鳩佩之不惑

正字通引此句 出自青邛

赤鱗 英水南流注於卽翼之澤其中多赤鱗

赤鱗之狀魚身人頭 類聚御覽並祗二句

鵠 柜山有鳥狀如鷗而人首其音如痺其名曰鵠

彗星橫天鯨魚死浪鵠鳴於邑賢士見放厥里至

微言之無况

長右

長右山有獸焉其狀如禺而四耳其名長右郭注以山出此獸因以名之

長右四耳厥狀如猴實為水祥見則橫流彘虎其

身厥尾如牛

猾裏

堯光山有獸狀如人而彘鬣穴居而冬蟄名曰猾裏見則縣有大繇

猾裏之獸見則興役應政而出匪亂不適天下有

道幽形匿跡

會稽山

會稽山四方上多金玉下多硃石

禹祖會稽爰朝羣臣不虔是討乃戮長人玉匱表

夏元石勒秦

類聚

羝

洵山有獸其狀如羊而無口不可殺也其名曰羝

有獸無口其名曰羝害氣不入口體無間至理之

盡出乎自然

蠱雕

鹿吳山有獸名曰蠱雕其狀似雕而有角其音如嬰兒是食人

蠱雕有角聲若兒號

犀

禱過山上多金玉其下多犀兕多象

犀頭似猪形兼牛質角則并三分身互出鼓鼻生

風吐氣隘溢

案類聚所引郭璞犀贊與此不同蓋屬爾雅

兕

兕推壯獸似牛青黑力無不傾自焚以草皮克武

備角助文德類聚

象

象實魁梧體巨貌詭肉兼十牛目不踰豕望頭如

尾動若邱徙類聚

瞿如虎蛟

有鳥名曰瞿如其鳴自號也浪水出焉而南流注於海其中有虎蛟

瞿如三手

正字通作三首

厥狀似鵠魚身蛇尾是謂虎蛟

案此上四條並屬禱過山

鳳皇

丹穴山有鳥狀如鷄五采而文名曰鳳皇

鳳皇靈鳥實冠羽羣八象其體五德其文附翼來

儀應我聖君類聚

育隧

旄山南有谷曰育遺○郭日遺或作隧

育隧之谷爰含凱風青陽既謝氣應祝融炎風是

扇以散懋隆

鱒魚顛鳥

黑水出鷄山中有鱒魚狀如鮒而彘尾○令邙山有鳥其狀如梟人面四目而有耳

其名曰顛

顛鳥棲林鱒魚處淵俱為旱徵灾延普天測之無

象厥數惟元

類聚○案此魚鳥本屬二山郭注以皆見則大旱故合贊

白蓉

命者山有木其汁如漆其味如飴食者不飢可以釋勞其名曰白蓉

白蓉臯蘓其汁如飴食之辟穀味有餘滋道遙忘

勞窮生盡期

西山經

羝羊

錢來山有獸狀如羊而馬尾名曰羝羊

月氏之羊非類在野厥高六尺尾亦加長何以審

之事見爾雅

大華山

大華之山削成四方高五千仞廣十里

華嶽靈峻削成四方爰有神女是挹玉漿

吳本作金漿

其誰遊之龍駕雲裳

類聚

肥蠶

大華山有蛇名曰肥蠶六尾四翼見則天下大旱

肥蠶為物與灾合契鼓翼陽山以表亢厲桑林既

禱倏忽潛逝

鳴渠赤鷺文莖鴟

松果山有鳥名曰鳴渠狀如鷄食之愈滕○小華山鳥多赤鷺可以

禦火又其上有木名曰文莖又其鳥多鴟可以禦火

鳴渠已殃赤鷺辟火文莖愈聾是則嘉果鴟亦衛

灾厥形唯庶

案此四物本屬二山又以三鳥一木合贊非也

流赭灌水出石○山中有流赭以塗牛馬無病

沙則潛流亦有運赭于以求鐵趨在其下蠲牛之瘡作采于社

豪彘竹山有獸狀如豚而白毛大如筭而黑端名曰豪彘

剛鬣之族號曰豪豨毛如攢錐中有激矢御覽引上四句

厥體兼資自為牝牡類聚

肥遺黃蘗英山有鳥黃身而赤喙其名曰肥遺食之已厲○竹山有草其名曰黃蘗浴之

已疥○輸次山有獸長臂善投其名曰鷩

浴疾之草厥子赭赤肥遺似鶉其肉已疫鷩獸長

臂為物好擲按此三物本屬三山郭氏合贊

橐蜚輸次山有鳥狀如梟人面而一足名曰橐蜚

有鳥人面一脚孤立性與時反冬出夏蟄帶其羽

毛迅雷不入正字通

桃枝蟠冢山巒水出焉北流注於陽水其上多桃枝

蟠冢美竹厥號桃枝叢薄幽蒼從風蔚猗簞以寧

寢杖以扶危類聚脫上二句

膏蓉谿邊櫟蟠冢山有草黑華而不實名曰膏蓉○天帝山有獸狀如黑狗名曰谿邊有鳥

黑文而赤翁名曰櫟

有華無實膏蓉之樹谿邊類狗皮厭

翁鳥愈隱痔正字通○案此三物本出二山郭氏合贊

杜衡天帝山有草狀如葵其真如薜蘿名曰杜衡

狴狴犴人杜衡走馬理固須因體亦有假足駿在

感安事御者

礪皐塗山有白石其名曰礪

稟氣方殊舛錯理微礪石殺鼠蠶食而肥物性雖

反齊之一歸

櫻如皐塗山有獸狀如鹿而白尾馬足人面而四角名曰櫻如

櫻如之獸鹿狀四貉馬足人手其尾則白貌兼三

形攀木緣石正字通

鸚鵡黃山有鳥青羽赤喙人舌能言名曰鸚鵡

鸚鵡慧鳥青羽赤喙類聚本作棲林啄菜四指中分行則以

嘴御覽本作行則啄地無下二句自遺伊籠見幽坐趾類聚本趾作枝

數斯擎皐塗山有鳥狀如鴟而人足名曰數斯○黃山有獸狀如牛而倉黑大目其名曰擎

○翠山其鳥多鸚

數斯人脚厥狀如鴟擎獸大眼有鳥名鸚兩頭四

足翔若合飛正字通引鸚鳥三句案上三物本出三山郭氏合贊

鸞鳥女牀山有鳥狀如翟而五采文各曰鸞鳥

鸞翔女牀鳳出丹穴拊翼相和以應聖哲擊石靡

詠韶音其絕類聚

鳧後朱厭鹿臺山有鳥狀如雉雞而人面名曰鳧後○小次山有獸狀如猿而白首赤足名曰

朱厭

鳧後朱厭見則有兵類異感同理不虛行推之自

然厥數難明按此二物本出二山以見皆有兵故合贊

蠻蠻崇吾山有鳥狀如鳧而一翼一目相得乃飛名曰蠻蠻

比翼之鳥似鳧青赤雖云一形氣同體隔延頸離

鳥翻飛合翻

玉膏丹水出崆山其中多白玉是有玉膏

丹水焯熠沸沸玉膏黃軒是服遂攀龍豪渺然升

遐羣下鳥號

玉榮黃帝乃取崆山之玉榮而投之鍾山之陽郭注謂玉華也

鍾山之寶爰有玉華光彩流映氣如虹霞君子是

佩象德閑邪

鼓欽鴉葆江鍾山有子曰鼓狀如人面龍身是與欽鴉殺葆江於崑崙之陽郭注葆或作祖

欽鴉及鼓是殺祖江帝乃戮之崑崙之東二子皆

化矯翼亦同

文鯨魚

觀水出泰器山多文鯨魚狀如鯉魚

見則邑穰厥名曰鯨經營二海矯翼閑宵唯未之

奇寄厥伊庖

平圃英招 槐江山實惟帝之平圃神英招司之郭注即元圃也

槐江之山招英是主巡遊四海撫翼雲儻實唯帝

圃是謂元圃

楛木若

槐江山陰多楛木之有若

楛唯靈樹爰生若木重根增駕流光旁燭食之靈

化榮名仙籙

崑崙之邱

崑崙之邱是實惟帝之下都神陸吾司之郭注即肩吾也

崑崙月精水之靈府唯帝下都西羗之宇嶮然中

峙號曰天柱

類聚

陸吾

見上

肩吾得一以處崑崙開明是對司帝之門吐納靈

氣熊熊魂魂

土螻欽原

崑崙山有獸狀如羊而四角名曰土螻又有鳥狀如蜂大如鴛鴦名曰欽原

土螻食人四角似羊欽原類蜂大如鴛鴦觸物則

斃其銳難當

沙棠

崑崙山有木黃華赤實其味如李而無核名曰沙棠

安得沙棠制為龍舟汎彼滄海渺然遨遊

案山海經注本

作銘曰安得沙棠刻以為舟汎彼滄海以遨以遊無下二句類聚同聊以逍遙任彼

去留

鶉鳥蕢草

崑崙山有鳥名曰鶉是司帝之百服又有蕢草狀如葵味如蔥食之已勞

司帝百服其鳥名鶉沙棠之實唯果是珍爰有奇

菜厥號曰蕢

長乘

羸母之山神長乘司之

九德之氣是生長乘人狀豹尾其神則凝妙物自

潛世無得稱

西王母

玉山是西王母所居也

天帝之女蓬髮虎顏穆王執贄賦詩交歡

積石

積石之山其下有石門河水自以西流

積石之中實生重河夏后氏導石門湧波珍物斯

備比奇崑阿

魄氏之宮

長留之山神魄氏之宮是神也至司反景

少昊之帝號曰金天魄氏之宮亦在此山是司日

入其景則圓

狴

章峩之山有獸五尾一角其音如擊石其名曰狴

章峩之山奇怪所宅有獸似豹其色惟赤五尾一

角鳴如擊石

畢方

又有鳥一足赤文青質而白喙名曰畢方○按凡鳥獸有同出一山各自為贊者即蒙上文加

一又

畢方赤文離精是炳旱則高翔鼓翼陽景集乃流

灾火不炎正

走謬正俗本作火不炎上云上

文貝

濁浴水出陰山南流注于蕃澤其中多文貝

先民有作龜貝為貨貴以文采賈以小大簡則易

資犯而不過

類聚

天狗

陰山有獸狀如狸而白首名曰天狗

乾麻不長天狗不大厥質雖小禳灾除害氣之相

旺在乎食帶

青鳥

三危之山三青鳥居之

山名三危青鳥所憇往來崑崙王母是隸穆王西

征旋軫斯地

類聚

江疑傲狃鴟

符楊之山神江疑居之是山也多怪雨風雲之所出也○三危山有獸狀如牛

白身四角其毫如披蓑其名曰微狎又
有鳥一首而三身其狀如鷄其名曰鷓

江疑所居風雨是潛獸有微狎毛如披蓑鷓鳥一

頭其身則兼案此三物以出
一山郭氏合贊

耆童颯山神耆童居之
其音常如鐘磬

顛頊之子嗣作火正鏗鏘其鳴聲如鐘磬處於驪

山唯靈之盛

帝江天山有神渾敦無面目
是識歌舞實惟帝江也

質則渾沌神則旁通自然靈照聽不以聰強之為

名曰惟帝江

瑾瑜沕山上多嬰短之玉
其陽多瑾瑜之玉

鍾山之寶爰有玉華光彩流映氣如虹霞君子自

佩象德閑邪類聚。按此贊重上玉榮
聚類蓋誤引作瑾瑜宜刪

鵠鷄翼望山有鳥狀如鳥三首六尾而
鷄又有獸狀如狸一目而三尾名曰謹郭注音
笑名曰鵠

歡或作原
吳本作獮

鵠鷄三頭獮獸三尾俱禦不祥消凶辟昧君子服

之不逢不遘

當扈上中之山鳥多當扈
其狀如雉以其髯飛

鳥飛以翼當扈則鬚廢多任少沛然有餘輪運於

轂至用在無正字

白狼孟山獸多白狼白虎其鳥多白雉白翟

矯矯白狼有道則遊應符變質乃銜靈鉤御覽引上四句

惟德是適出般見周類聚

白虎見上

魁魁之虎仁而有猛其質載皓其文載炳應德而

擾止我交境

神魄

剛山多神魄其狀人面獸身一足一手其音如欽郭注欽亦吟字假音魄亦魁魁之類又剛山之尾洛水出焉中多蠻蠻其狀鼠身而鼈首音如吠犬

其音如吟一脚人面鼠身鼈頭厥號曰蠻目如馬

耳食厭妖變

按此似祇贊蠻又不合以神魂其音如吟起句疑有脫誤

駮

中曲山有獸狀如馬白身黑色一角虎爪牙其名曰駮是食虎豹可以禦兵

駮惟馬類實畜之英驥首騰尾噓天雷鳴氣無不

靈吞虎辟兵類聚

穰木

又有木焉其狀如棠而圓葉赤實實大如木瓜名曰穰木

穰之為木厥形似榿若能長服拔樹排山力則有

之壽亦宜然

鳥鼠同穴

鳥鼠同穴之山其上多白虎白玉郭注鳥名曰鼯鼠名曰鼯

餘鼯二蟲殊類同歸聚不以方或走或飛不然之
然難以理推

鯨魚

鳥鼠同穴山滑水出焉
中多鯨魚其狀如鱣魚

物以感應亦不數動壯士挺劍氣激白虹

御覽本作氣激

注通鯨魚潛淵出則民悚

類聚

鯨鮐之魚

又濫水出焉中多鯨鮐之魚其狀如覆鉢

形如覆鉢包玉含珠有而不積泄以尾閭闔與道

會可謂奇魚

類聚

丹木

崦嵫之山其上多丹木其葉如穀

爰有丹木生彼洧盤厥實如瓜其味甘酸蠲疴辟

火用奇桂蘭

窮奇孰湖

邽山有獸狀如牛蝟毛名曰窮奇音如犴狗是食人又有濛水出焉中多羸魚魚身

而鳥翼見則其邑大水○崦嵫山有獸狀馬身而鳥翼人面蛇尾是好舉人名曰孰湖

窮奇如牛蝟毛自表濛水之羸匪魚伊鳥孰湖之

獸見人則抱

類聚又引窮奇贊曰窮奇之獸厥形甚醜馳逐妖邪莫不奔走是以一各

號曰神狗郭氏本注作銘六句並同

北山經

水馬

求如之山滑水出焉其中多水馬其狀如馬文臂牛尾

馬實龍精爰作水類渥洼之駿是靈是瑞正字通引作是

號勒是昔在夏后亦有何駟

帶山有獸狀如馬一角有錯其名曰臚疏可以辟火又有鳥狀如鳥五采而赤文名曰鵠鷄食之不疽

厭火之獸厥惟臚疏有鳥自化號曰鵠鷄一頭十

身何羅之魚按何羅魚已別有贊此疑衍

儵魚又有芑湖之水中多儵魚其狀如雞而赤毛三尾六足四首食之已憂

汨和損平莫憐于憂詩咏萱草山經則儵御覽事類賦注

引上四句壑焉遺岱聊以盤遊

何羅之魚譙水出譙明山中多何羅之魚一首而十身食之已癡

何羅之魚十身一首化而為鳥其名休舊竊糈于

春傷隕在日夜飛曳音聞春疾走

孟槐又有獸狀如狸而赤豪其音如榴榴名曰孟槐可以禦凶

孟槐似狸其毫則赤列象畏獸凶邪是辟氣之相

勝莫見其迹

鰓鰓之魚霽水出涿光山中多鰓鰓之魚其狀如鵠而十翼可以禦火食之不瘳

鼓翮一運十翼翻厥鳴如鵠鱗在羽端類聚御覽並引

上四句是謂怪魚食之辟燔

橐駝 號山獸多橐駝其鳥多寓

駝惟奇畜肉鞍是被迅驚流沙顯功絕地潛識泉

源微乎其智 類聚

耳鼠 丹薰山有獸狀如鼠而兔首麋身其音如狸犬以其尾飛名曰耳鼠食之不脛

蹠實以足排虛以羽翹尾翻飛奇哉耳鼠厥皮惟

良百毒是禦

幽頰 邊春山有獸狀如禺而文身善笑見人則卧名曰幽頰

幽頰似猴俾愚作智觸物則笑見人佯睡好用小

慧終是嬰累 正字通

寓孟極足訾 號山鳥多寓狀如鼠而鳥翼其音如羊石者山有獸狀如豹而文題白身名

曰孟極○蔓聯山有獸牛尾文臂馬蹄見人則呼名曰足訾

鼠而傳翼厥聲如羊孟極似豹或倚無良見人則

呼號曰足訾

鷓 又蔓聯山有鳥焉羣居而朋飛其毛如雌雉名曰鷓

毛如雌雉朋翔羣下飛則籠日集則蔽野肉驗鍼

石不勞補寫

諸犍白鶴竦斯 單張山有獸人首而牛耳一目名曰諸犍有鳥狀如雉白翼黃足名曰白

鶴 ○灌題山有鳥狀如雌雉而人面見人則躍名曰竦斯

諸犍善吧行則銜尾白鶴竦斯厥狀如雉見人則

跳頭文如繡按此三物本出二山郭氏合贊

磁石匠韓之水出灌題山西流注于洵澤其中多磁石

磁石吸鐵琥珀拾芥氣有潛感數亦真會物之相

投出乎意外

旄牛潘侯山有獸狀如牛而四節生毛名曰旄牛

牛克兵機兼之者旄冠于旄鼓為軍之標匪肉致

灾亦毛之招

長蛇大咸山有蛇名曰長蛇其毛如菟豪

長蛇百尋厥鬣如雉飛羣走類靡不吞噬極物之

惡盡毒之厲類聚

鱓魚濼澤水出獄法山中多鱓魚其狀如鯉而雞足

鱓之為狀半鳥半鱗類聚御覽並引上二句形如雞鯉食之

已疝

山獬獄法山有獸狀如犬而人面善投見人則笑其名山獬

山獬之獸見人歡詭厥性善投行如矢激是惟氣

精出則風作御覽

窳窳諸懷肥遺少咸山有獸狀如牛而赤身人面馬足名曰窳窳是食人○此獄山有獸

狀如牛而四角人目彘耳其名曰諸懷是食人○
渾夕山有蛇一首兩身名曰肥遺見則國大旱

窳窳諸懷是則害人鱧之為狀赤鱗黑文肥遺之

蛇一頭兩身

按此三物亦出三山郭注合贊不應又入鱧魚

紫魚

晉水出縣雍山中多紫魚其狀如鱈而赤鱗

陽鑿動日土蛇致宵

類聚御覽本並脫上二句

微哉紫魚食則

不驕物在所感其用無標

驛馬

敦頭山中多驛馬牛尾而白身一角

有獸如豹厥文惟縉閭善躍嶮驛馬一角

狍鴉

鈞吾山有獸羊身人面虎齒人爪其音如嬰兒名曰狍鴉是食人

狍鴉貪恠其目在腋食人未盡還自齧割

正字通無此二

句圖形似鼎是謂不若

類聚本作爲物貪恠食人未盡還害其身像在夏鼎

四句郭氏本注有此四句

獨貉

北囂山有獸狀如虎而白身犬首馬尾彘鬣名曰獨貉

虎狀馬尾號曰獨貉

鷲鴟

又有鳥狀如人面名曰鷲鴟食之已暈

禦暈之鳥厥名鷲鴟昏明是互晝隱夜覲物貴應

用安事鷲鴟

正字通

居暨囂三桑

梁渠山獸多居槩狀如橐而赤毛又有鳥四翼一目犬尾名曰囂○又恒山三

桑生之其樹皆無枝其高百仞

居暨豚鳴如彙赤毛四翼一目其名曰囂三桑無

枝厥樹惟高按洹水三桑應別為贊郭氏合之不倫

驛太行山有獸狀如麇羊而四角馬尾而有距其名曰驛

驪獸四角馬尾有距涉歷歸山騰嶮躍咀厥貌惟

奇如是旋舞正字通

天馬馬成山有獸狀如白犬而黑頭見人則飛名曰天馬

龍憑雲游騰蛇假霧未若天馬自然凌翥有理懸

運天機潛通

鷓鴣又有鳥狀如鳥首白而身青足黃其名曰鷓鴣

鷓鴣如鳥青身黃足食之不飢可以辟穀肉厥惟

珍配彼丹木

飛鼠天池山有獸狀如兔而鼠首以其背飛其名曰飛鼠

或以尾翔或以髯凌飛鳴鼓翰翮然背騰固無常

所惟神是憑

鵠象蛇鮒父之魚太行山有鳥狀如鵠白身赤尾六足其名曰鵠○陽山有鳥狀如雌

雉而五采以文是自為牝牡名曰象蛇又流水出陽山其中有鮒父之魚其狀如鮒魚魚首而彘身

有鳥善驚名曰鷓鷓象蛇似雉自生子孫鮒父魚

首厥體如豚類聚御覽並引此二句○按此三物亦出二山郭氏合贊

酸與景山有鳥狀如蛇而四翼六目三足名曰酸與景山有鳥稟形殊類厥狀如蛇脚三翼四見則色恐食之不醉

鵠鵠黃鳥小侯山有鳥狀如鳥而白文名曰鵠鵠食之不瀟○軒轅山有鳥狀如梟而白首各曰黃鳥食之不妬

鵠鵠之鳥食之不瞧爰有黃鳥其鳴自叫婦人是服矯情易操

精衛發鳩山有鳥狀如鳥文首白喙赤足名曰精衛嘗啣西土木石以堙東海

炎帝之女化為精衛沈形東海靈爽西邁乃啣木

石以填波害正字通引作以填彼海類聚作攸害

羴羴熊泰戲山有獸狀如羊一角一目目在耳後其名曰羴○倫山有獸狀如麋其川在尾上其

羴似羊眼在耳後竅水尾上號曰熊九幽都之

山大蛇牛响

東山經

鱮鱮從從蜚鼠食水出檄嶽山中多鱮鱮之魚其狀如犁牛○栒狀山有獸狀如犬六足

其名曰從從又有鳥狀如雞而鼠尾其名曰蜚鼠

魚號鱗鱗如牛虎駮類聚御覽並引上二句從從之獸似狗

六脚蜚鼠如雞見則旱涸山中多鱗鱗其狀

條鱗末塗水出獨山中多條鱗其狀如黃蚘出入有光

條鱗蛇狀振翼灑光憑波騰逝出入江湘見則歲

旱是為火祥亦耳

狢狢泰山有獸狀如豚而有珠名曰狢狢

蚌則含珠獸何不可狢狢如豚被褐懷禍患難無

由招之自我正字通

幹幹空桑山有獸狀如牛而虎文其音如欽其名曰幹幹見則天下大水

堪孖幹幹殊氣同占見則洪水天下昏墊豈伊妄

降亦應圖識按東山經本有孖山其下多水中有堪孖之魚郭注未詳音序又有獸狀

如夸父而彘毛其音如呼見則天下大水

珠蟹魚澧水出葛山中多珠蟹魚其狀如肺而有目六足有珠

澧水之鱗狀如浮肺體兼三才以貨賈害厥用既

多何以自衛類聚御覽並引下二句

狢狢餘峩山有獸狀如兔而鳥啄鴟目蛇尾見人則眠名曰狢狢見則螽蝗為敗

狢狢之獸見人作眠與灾協氣出則無年此豈能

為歸之于天

朱孺耿山有獸狀如鳧而魚翼其名曰朱孺見則其國有恐

朱孺無奇見則邑駭通感靡誠維數所在因事而作未始無待

鴛鴦盧其山多鴛鴦其狀如鴛鴦而人足見則其國多土利功

狸力鴛鴦或飛或伏是惟土祥出其功築長城之

役同集秦城正字通

嵒嵒礪山有獸狀如馬而羊目四角牛尾其音如獐狗其名曰嵒嵒見則其國多狡客

治則得人亡由失人嵒嵒之來乃致狡賓歸之冥應誰見其津

獬獬姑逢之山有獸狀如狐而有翼其音如鴻鴈其名曰獬獬見則天下旱

○鳧麗山有獸狀如狐而九尾九首虎爪名曰蠶姪是食人○礪山有鳥狀如鳧而鼠尾善登木其名曰絜姪鈎見則其國多疫

獬獬如狐有翼不飛九尾虎爪號曰蠶姪絜鈎似

鳧見則民悲按此三物俱不同類郭氏合贊亦非

蟪龜流沙深澤中多蟪龜

水圓四十初學記本作水圓三方潛源溢沸靈龜爰處掉尾

養氣莊生是感揮竿傲貴

娑明鯨鯨精明尸胡山有獸狀如麋而魚目名曰娑明○流沙深澤中有魚狀如鯉而六

足名曰鯨鯨之魚○海隅山有獸狀如牛而馬尾名曰精精

發明之狀似麋魚眼睛精似牛以尾自辨鯨鯨所

潛厥深無限

按此三物皆以其名自叫故合贊

獨狙魃雀

北號山有獸狀如狼赤首而鼠目其音如豚名曰獨狙是食人又有魃雀狀如雞而

白首鼠足而虎爪其名曰魃

獨狙狡獸魃雀惡鳥或狼其體或虎其爪安用甲

兵擾之以道

芑

東始山有木焉其狀如楊而赤理其汁如血不實其名曰芑

馬惟剛峻塗之芑汁不勞孫陽自然閒習厥術無

方理有潛執

苾魚薄魚

泚水出東始山中多苾魚其狀如鮒一首而十身○女烝山膏水中多薄魚其狀如

鱸魚而一目

有魚十身蘂蕪其臭食之和體氣不下溜薄之躍

淵是惟灾候

當康鰓魚

欽山有獸狀如豚而有牙其名曰當康見則天下大穰○子同山水中多鰓魚其狀

如魚而鳥翼出入有光見則天下大旱

當康如豚見則歲穰鰓魚鳥翼飛乃流光同出殊

應或灾或祥

合窠

刻山有獸狀如彘而人面黃身而赤尾其名曰合窠是食人

猪身人面號曰合窠厥惟貪殘物為不咀至陰之

精見則水雨

正字通

蜚

太山有獸狀如牛而白首一目而蛇尾其名曰蜚行水則竭行草則死見則天下大疫

蜚則灾獸跋踵厲深會所經涉竭水槁林稟氣自

然體此殃淫

廣韻去聲引此贊云蜚之為名體似無害所經枯竭甚於鳩厲萬物攸懼

思爾遐逝本見郭注按此一物兩贊未詳孰是

中山經

鬼草

牛首山有草名曰鬼草其葉如葵而赤莖

焉得鬼草是樹是蕤服之不憂樂天儀世如彼滾

舟任波流滯

御覽

鵠

輝諸之山獸多間麋其鳥多鵠

鵠之為鳥同羣相為儔類被侵雖死不避毛飾武

士兼厲以義

類聚

鳴蛇化蛇

鮮水北流注伊水中多鳴蛇其狀如蛇而四翼見則其邑大旱又陽水北流注伊水

中多化蛇其狀如人面而豺身見則其邑大水

鳴化二蛇同類異狀拂翼俱遊騰波漂浪見則並

灾或淫或亢

赤銅 昆吾之山其
上多赤銅

昆吾之山名銅所在切玉如泥炙有光彩 類聚本
作火炎

其尸子所嘆驗之彼宰 類聚本
作汲宰

熏池 敷岸之山神熏池
居之是常出美玉

秦逢虎尾武羅人面熏池之神厥狀不見爰如美

玉河林如菑

武羅 青要之山魃武羅司之其狀人面
而豹文小腰而白齒魃即神字

有神武羅細腰白齒聲如鳴珮以鑱貫耳司帝密
都是宜女子

鵠 眇水出青腰山有鳥焉名曰鵠其狀
如鳧青身而朱目赤尾食之宜子

鵠鳥似鳧翠羽朱目既麗其形亦奇其肉婦女是

食子孫繁育

荀草 又有草狀如蕞而方莖黃華赤實
本如藁本名曰荀草服之美人色

荀草赤實厥狀如菅婦人服之練色易顏夏姬是

艷厥媚三遷

馬腹飛魚 蔓渠山有獸名曰馬腹人面虎身是食人
○正回水出驪山中多飛魚其狀如豚而

赤文食之
不畏雷

馬腹之物人面似虎飛魚如豚赤文無羽 類聚御
覽並引

此二句 食之辟兵不畏雷鼓 按此二物亦不同類何以合贊

泰逢 和山吉神泰逢司之其狀如人而虎尾

神虎泰逢好遊山陽濯足九州出入流光天氣是

動孔甲迷惶

鳴石

共水出長石山西南流注于洛其中多鳴石

金石同類潛響是韞擊之雷駭厥聲遠聞苟以數

通氣無不運

桃林

夸父山北有林焉名曰桃林是廣員二百里其中多馬

桃林之谷實惟塞野武王克商休牛放馬阨越三

塗作嶮西夏

苦辛

陽華山草多藟藟多苦辛○按吳任臣云圖贊作苦華而廣注却未見引

帝臺之棋

休與山上有石焉名曰帝臺之棋

茫茫帝臺惟靈之貴爰有石棋五采煥蔚觴禱百

神以和天氣

烏酸

鼓鐘山有草方莖而黃華員葉而三成其名曰烏酸

療虐之草結實如瓜烏酸之葉三成黃華可以為

毒不畏虻蛇

菴草

姑媯之山帝女死焉其名曰女尸化為菴草其葉胥成其華黃

葍草黃華實如兔絲君子是佩人服媚之帝女所
化其理難思

山膏黃棘

苦山有獸名曰山膏其狀如逐赤若丹火善詈其上有木焉名曰黃棘

山膏如豚厥性好罵華棘是食匪子匪化雖無貞
操理同不嫁

天楅文文牛傷騰魚

堵山上有木名曰天楅○放鼻山有獸狀如蜂枝尾而反舌善

呼其名曰文文○大誓山有草狀葉如榆方莖而蒼傷其名曰牛傷○合水中多騰魚狀如鱖居達

牛傷鎮氣天楅弭噎文獸如蜂枝尾反舌騰魚赤
斑處于達穴 按此四物俱大不類合贊為非

三足龜

狂水出大誓山中多三足龜食者無大疾可以已腫

造物維均靡偏靡頗少不為短長不為多賁能三
足何異鼃鼃

嘉榮

半石山有草生而秀其高丈餘赤葉赤華華而不實其名曰嘉榮服之不寔

寔惟天精動心駭目曷以禦之嘉榮是服所正者
神用口腸腹

帝休

少室山有木名曰帝休黃華黑實服者不怒

帝休之樹厥枝交對竦本少室曾陰雲霽對君子服
之不怒伊愛

泰室山

郭注即中岳嵩高山也

嵩惟嶽宗華岱恒衡氣通元漢

吳本作天漢

神洞幽明

巍然中立衆山之英

類聚

栢木

泰室山有木葉狀如梨而赤理名曰栢木服者不妬

爰有嘉樹厥名曰栢薄言采之窈窕是服君子維

歡家無反目

正字通

帝屋

講山有木名曰帝屋葉狀如椒可以禦凶

椒之灌植實繁有倫拂活雷朱實芬辛服之不

已洞見通神

萑草

少陘山有草名曰萑草葉狀如葵而赤莖白華食之不愚

萑草赤莖實如蓂蕪食之益智忽不自覺殆齊生

知功奇於學

薊栢

敏山有木狀如荆白華而赤實名曰薊栢服者不寒

薊栢白華厥子如丹實肥變氣食之忘寒物隨所

染黑子所嘆

猿

犬驪山有草狀如蒼而毛青華而白實其名曰猿服之不天

大驪之山爰有萃草青華白實食之無天雖不增

齡可以窮老

橘櫟荆山草多竹多橘櫟

厥包橘櫟奇者維甘朱實金鮮類聚本作實染繁霜葉蒨翠

藍靈均是詠類聚本作屈生嘉歎以為美談

鮫魚漳水出荆山中多黃金多鮫魚

魚之別屬厥號曰鮫珠皮毒尾匪鱗匪毛可以錯

角兼飾劍刀

鳩女凡山鳥多白鵠多瞿多鳩

蝮維奇魁鳩鳥是噉拂翼鳴林草瘁木慘羽行隱

戮厥罰難犯

計蒙涉蠱神計蒙處光山其狀人身而龍首○神涉蠱處岐山其狀人而方面三足○神蠱圍

處驕山其狀人面羊角虎爪

涉蠱三脚蠱圍虎爪計蒙龍首獨稟異表升降風

雨茫茫渺渺按正字通引獨稟異表典降風雨二句云郭璞合三神為贊

岷山郭注岷山今在汶山郡廣陽縣西大江所出

岷山之精上絡東井始出一勺終致森溟作紀南

夏天清地靜類聚

夔牛岷山獸多岸象多夔牛

西南巨牛出自江岷體若垂雲肉盈千鈞雖有逸

力難以揮倫

崷山郭注今在漢嘉嚴道縣南江水所出

功峻峻嶮其坂九折王陽逡巡王尊逞節殷有三

仁漢稱三哲

狔狼雍和地山有獸狀如狐而白尾長耳名曰狔狼見則國內有兵○豐山有獸狀如猴赤目

赤喙黃身名曰雍和見則國有大恐

狔狼之出兵不外擊雍和作恐猴乃流疫同惡殊

灾氣各有適正字通

蛙鬲山獸多犀象熊羆多援蛙

禹屬之才莫過于蛙雨則自懸塞鼻以尾厥形雖

陋列象宗彘世謬正俗

熊山熊山有穴焉熊之穴恒出神人夏啟而冬閉冬啟乃必有兵

熊山有穴神人是出與彼石鼓象殊應一祥雖光

見厥事非吉

青耕跋踵董理山有鳥狀如鵲青身白喙自白尾名曰青耕可以禦疫○復州山有鳥狀如

鴉而一足彘尾其名曰跋踵見則其國大疫

青耕禦疫跋踵降灾物之相反各以氣來見則民

咨實惟病媒正字通引山海經勇石之山有鳥如梟一足彘尾名曰跋踵見則國大疫

郭贊曰跋踵為鳥一足似夔不為樂與反以來悉案此四句注本作銘乃單贊跋踵此則與青耕合贊也吳本似有遺脫正字通以復州山為勇石山亦誤

蛟 賦水出翼望山東南流注于漢其中多蛟

羽飲飛疊斷類聚

耕父 神耕父處豐山常遊清冷之淵出入有光

清冷之水在乎山頂耕父是遊流光灑景黔首祀

崇以弭災青

九鐘 豐山有九鐘焉是知霜鳴

曉崩涇竭麟鬪日薄九鐘將鳴凌霜乃落氣之相應觸感而作

正字通

嬰勺 支離山有鳥名曰嬰勺其狀如鵲赤目赤喙白身其尾若勺

支離之山有鳥似鵲白身赤眼厥尾如勺維彼有

斗不可以酌

獐 依軻山有獸狀如犬虎爪有甲其名曰獐食者不風

有獸虎爪厥號曰獐好自跳撲鼓甲振奮若食其

肉不覺風迅

帝臺之漿 高前山上有水焉甚寒而清帝臺之漿也飲之者不心痛

帝臺之水飲蠲心病靈府是滌和神養性食可道
遙濯髮浴泳

狙如猗帝山有獸狀如鼯鼠白耳白喙名曰狙如見則國有大兵

狙如微蟲厥體無害見則師興兩陣交會物之相

感焉有正大通

帝女之桑宣山上有桑焉大五十丈其枝四衢其葉大尺餘赤理黃華青樹名曰帝女之桑

爰有洪桑生濱淪潭厥圍五丈枝相交參園客是

采帝女所蠶類聚

貉即梁渠馱餘聞鱗鮮山有獸赤喙赤目白尾見則邑有火名曰貉即○歷石山有

獸狀如狸而白首虎爪名曰梁渠見則國有大兵○
丑陽山有鳥狀如鳥而赤足名曰馱餘可以禦火○
凡山有獸狀如菟黃身白頭
白尾名曰聞鱗見則大風

梁渠致兵貉即起灾馱餘辟火物各有能聞鱗之

見大風乃來按此四物並出四山合贊太畧

于見神于見居夫夫山其狀人身而身操兩蛇常遊于江淵出入有光

于兒如人蛇頭有兩常遊江淵見于洞廣乍潛乍

出神光惚恍

帝之二女洞庭之山帝之二女居之是常遊于江淵澧沅之風交瀟湘之淵

神之二女爰宅洞庭遊化五江恍惚窈冥號曰夫

人是維湘靈

白蛇飛蛇

柴桑山獸多麋鹿多白蛇飛蛇

騰蛇配龍因霧而躍雖欲登天雲罷陸暴材非所

任難以久託

匡謬正俗。按陸暴吳本作陸莫據顏云此則暴曬之暴有薄音當作暴

海外南經

蟲為蛇蛇號為魚

南山在結匈國東南自此山來蛇蟲為蛇蛇號為蟲

賤無定貢貴無常珍物不自物自物由人萬事皆

然豈伊蛇鱗

羽民

羽民國在結匈國東南其為人長頭身生羽

鳥喙長頰羽生則卵矯翼而翔龍飛不遠人維俛

屬何狀之反

正字通

神人二八

羽民東有神人二八連臂為帝司夜于此野

羽民之東有神司夜二八連臂自相羈駕晝隱宵

出詭時淪化

謹頭

謹頭國在其南其為人面有翼鳥喙方捕魚

謹國鳥喙行則仗羽潛于海濱維食秬秠實維嘉

穀所謂濡黍

厭火

厭火國在其國南獸身黑色生火出其口中

有火獸體厥狀怪譎吐納炎精火隨氣烈推之無
奇理有不熱

三珠樹 在厭火北生赤水上其
為樹如栢葉皆為珠

三珠所生赤水之際翹葉栢竦美壯若葦濯彩丹

波自相霞映

載國

載國在其東其為
人黃能操弓射蛇

不蠶不絲不稼不穡百獸率舞羣鳥推翼是號載

民自然依食

正字通引
首尾四句

不死民

不死民在其東其
為人黑色壽不死

有人爰處員邛之上赤泉駐年神木養命稟此遐

齡悠悠無竟

正字通引
上下四句

岐舌

岐舌國在其東
日在不死民東

鑠金洪鑪灑成萬品造物無私各任所稟歸于曲

成是見兆朕

鑿齒

羿與鑿齒戰于壽
華之野羿射殺之

鑿齒人類實有傑牙猛越九嬰害過長蛇堯乃命

羿斃之壽華

三首

三首國在其東其
為人一身三首

雖云一氣呼吸異道觀則俱見食則皆飽物形自
周造化非巧

焦僥

周饒國一日焦
僥國在三首東

羣籟舛吹氣有萬殊大人三丈焦僥尺餘混之一
歸此亦僑如

長臂

長臂國在其東捕魚
水中兩手各操一魚

雙肱三尺體如中人彼曷為者長臂之民修脚是

負捕魚海濱

類聚

狄山

狄山帝堯葬於陽帝嚳葬於陰爰
有熊羆文虎雌豹離朱視肉吁咽

聖德廣被初無不懷爰乃徂落封墓表哀異類猶

然况乃華黎

視肉

按郭注聚肉形如牛肝有兩目
也食之無盡尋復更生如故

聚肉有眼而無腸胃與彼馬勃頗相髣髴奇在不

盡

吳本在
字作無

食人薄味

正字
通

祝融

南方祝融獸身
人面乘兩龍

祝融火神雲駕龍驂氣御朱明正陽是含作配炎

帝位立于南

大海外西經

大樂之野

夏后啟于此儻九代乘兩龍

筮御飛龍果儻九代雲融是揮玉璜是珮對揚帝

德稟天靈誨

一臂一臂國在其北一臂一目一鼻孔

品物流行以散混沌增不為多減不為損厥變難

原請尋其本

奇肱奇肱之國在其北其人一臂三目有陰有陽乘文馬

妙哉工巧奇肱之人因風構思制為飛輪陵頽是

軌帝湯是賓

形天

形天與帝至此爭神帝斷其手葬之常羊之山

爭神不勝為帝所戮遂厥形天臍口乳目仍揮干

戚雖化不服

女祭女戚

女祭女戚在其北居兩水間戚操魚鮪祭操俎

彼姝者子誰氏二女曷為水間操魚持俎厥儷安

在離羣逸處

鴛鳥鷓鳥

鴛鳥鷓鳥其色青黃所經國亡

有鳥青黃號曰鷓鴛與妖會合所集禍至類則梟

鷓厥狀難媚

正字通

丈夫國

丈夫國在維鳥北其為人衣冠帶劍

陰有偏化陽無產理丈夫之國王孟是始威靈所

通桑石無子

正字通

女丑之尸

女丑之尸生而十日炙殺之在丈夫北以石手鄣其面

十日並燬女丑以斃暴于山阿揮袖自翳彼美誰

子逢天之厲

巫咸

巫咸國在女丑北右手操青蛇左手操赤蛇在登葆山羣巫所從上下也

羣有十巫巫咸所統經枝是搜術藝是綜採藥靈

山隨時登降

并封

并封在巫咸東其狀如彘前後皆有首黑

龍過無頭并封連載物狀相乖如驥分背數得自

通尋之愈閔

女子國

女子國在巫咸北兩女子居水周之

簡狄有吞姜嫄有履女子之國浴于黃水乃娠乃

字生男則死

正字通脫首二句

軒轅之國

軒轅之國在此窮山之際其不壽者八百歲

軒轅之人承天之祐冬不襲衣夏不扇暑猶氣之

和家為彭祖

龍魚龍魚陵居在其北狀如狸

龍魚一角似狸類聚居陵侯時而出神聖類聚攸作靈

神乘飛鷲類聚九域乘雲上升御覽

乘黃白民國有乘黃其狀如狐其背上有角乘之壽三千歲郭注即飛黃也

飛黃奇駿乘之難老揣角輕騰忽若龍矯實鑿有

德乃集厥皂

雄常肅慎國在白民北有樹名曰雄常先入代帝於此取之

青質赤尾號曰滅蒙大連之山百仞三重雄常之

樹應德而通

蓐收西方蓐收左耳有蛇乘兩龍

蓐收金神白毛虎爪珥蛇執鉞專司無道立號西

阿恭行天討

海外北經曲幽又似千朱文容文此無謂而貴

無脊無脊之國在長股東為人無脊按郭注脊音啟或作縈肥腸也

萬物相傳非子則根無脊因心構肉生魂所以能

然尊形者存

燭陰鍾山之神名燭陰郭注燭龍也

天厥西北龍銜火精氣為寒暑眼作昏明身長千

里可謂至靈類

一目一目國在其東一
目中其面而居

蒼四不多此一不少于野冥瞽洞見無表形遊逆

旅所貴惟眇

柔利柔利國在一目東為人一
手一足反膝曲足居上

柔利之人曲脚反肘于求之容方此無醜所貴者

神形于何有

相柳共工之臣曰相柳氏
九首以食于九山

共工之臣號曰相柳稟此奇表虵身九首恃力舛

暴終禽夏后

深目深目國在其東為
人舉一手一目

深目類但絕縮軒轅道降欵塞歸服穿曾長

脚同會異族

無腸無腸之國在深目東
其為人長而無腸

無腸之人厥體無洞心實靈府餘則外用得一自

全理無不共正字

聶耳聶耳國在無腸國東使兩
文虎為人兩手聶其耳

聶耳之國海渚是縣雕虎斯使奇物畢見形有相

須手不離面

正字通引武源對奇必具洪音

夸父

夸父與日逐走入日渴飲于河渭不足北飲大澤未至道渴而死弃其杖化為鄧林

神哉夸父難以理尋傾河逐日遞形鄧林觸類而

化應而常心

類聚

尋木

尋木長千里在拘纓南生河上西北

渺渺尋木生于河邊疎枝千里上干雲天垂陰四

極下蓋虞淵

跂踵

跂踵國在拘纓東其為人大兩足亦大

厥形雖大斯脚則企跳步雀躍踵不闕地應德而

臻欵塞歸義

正字通

歐絲

歐絲之野在大踵東一女子跪據樹歐絲

女子鮫人體近蠶蚌出珠匪甲吐絲匪蛹

正字通引上四

句化出無方物豈有種

平邱

平邱在三桑東

兩山之間邱號曰平爰有遺玉駿馬維青視肉甘

華竒果所生

駒駘

北海內有獸其狀如馬名曰駒駘

駒駘野駿產自北域交頸相摩分背翹陸雖有孫

陽終不能服

類聚

蛩蛩

北海內有素獸狀如馬名曰蛩蛩又有青獸狀如虎名曰羅羅

蟹與蛇虛乍兔乍鼠長短相濟彼我俱舉有若自

然同心共膂

禺疆

北方禺疆人面鳥身珥兩青蛇踐兩青蛇

禺疆水神面目黧黑乘龍踐蛇凌雲附翼靈一元

冥立于北極

海外東經

君子國

君子國在其北衣冠帶劍食獸使二大虎在旁其人好讓不爭

東方氣仁國有君子薰華是食雕虎是使雅好禮

讓委蛇論理

天吳

朝陽之谷神曰天吳是為水伯

耽耽水伯號曰谷神八頭十尾人面虎身龍據兩

川威無不震

正字通引下四句

九尾狐

青邱國在其北其狐四足九尾

青邱奇獸九尾之狐有道翔見出則銜書作瑞周

文以標靈符

類聚

豎亥

帝命豎亥步自東極至于西極五億十選九千八百步

禹命豎亥青邱之北東盡泰遠西窮邠國步履宇
宙以明靈德

十日湯谷上有扶桑十日所浴
九日居上枝一日居下枝

一日並出草木焦枯羿乃控弦仰落陽鳥可為洞

感天人懸符

毛民毛民之國在其
北為人身生毛

牢悲海鳥西子駭麋或貴穴倮或尊裳衣物我相

傾孰了是非

黑齒兩師妾元股勞民

黑齒國在其北○兩師妾在
其北○元股之國在其北其

為人衣魚食驅○勞民
國在其北其為人黑

陽谷之山國號黑齒兩師之妾以蛇掛耳元人食

驅勞民黑趾

按此四
物合贊

勾芒東方勾芒鳥身
人面乘兩龍

有神人面身鳥素服銜帝之命錫齡秦穆皇天無

親行善有福

海內南經

臯陽

臯陽國在北胸之西其狀人面長臂有毛反踵
見人笑亦笑左手操管按爾雅狒狒如人披髮

迅走食人郭
注即臯陽也

狒狒惡獸被髮握竹獲人則笑辱蔽其目終乃號

咷反為我戮按此贊本見邢昺爾雅疏廣韻狒狒引此贊亦據爾雅御覽乃作山海經

圖贊事文類聚引作山海經萬贊

狒狒狒狒知人名其為獸如豕而人面

狒狒之狀形乍似大厥性識往為物警辨以酒招

灾自治纓冑

孟涂夏氏啟之臣曰孟涂是司神于巴人

孟涂司巴聽訟是非厥理有此血乃見衣所請靈

斷嗚呼神微

建木在窶窶西弱水上其木若藎其名曰建木

爰有建木黃實紫柯皮如蛇纓葉有素羅絕蔭弱

水異人則過正字通引作義人則過

巴蛇巴蛇食象三歲而出其骨君子服之無心腹之疾

象實巨獸有蛇吞之越出其骨三年為期厥大何

如屈生是疑類聚

海內西經

貳負貳負之臣曰危危與貳負殺窶窶帝乃梏之疏屬之山

漢擊盤石其中則危劉生是識羣臣莫知可謂博

物山海乃奇

大澤

在雁門北方百里羣鳥所生及所解

地號積羽厥方百里羣鳥雲集鼓翅雷起穆王旋

軫爰策駮耳

流黃鄴氏

流黃鄴氏之國中方三百里有塗四方

城圍三百連河北棟動足塵昏蒸氣霧重焉得遊

之以邀以縱

流沙

流沙出鍾山西行又南行崑崙之墟西南入海

天限內外分以流沙經帶西極頽塘委蛇注于黑

水永溺餘波

木禾

崑崙墟方八百里高萬仞上有木禾長五尋大五圍

崑崙之陽鴻鷺之阿爰有嘉穀號曰木禾匪植匪

執自然靈播

正字通

開明

開明獸身大類虎而九首皆人面東嚮立崑崙上

開明天獸稟茲乾精

正字通引作稟茲金精

虎身人面表此

傑形瞪視崑山威

儼百靈

類聚○按本注作銘無中二句

文玉玕琪

開明北有視肉珠樹文玉樹玕琪樹不死樹

文玉玕琪方以類叢翠葉倚萎丹樹玲瓏玉光爭

煥彩艷火龍

不死樹見上郭注

萬物暫見人生如寄不死之樹壽蔽天地請藥西

姥焉得如羿類

聖木

又有離朱木禾栢樹甘水聖木曼充

醴泉睿木養齡盡性增氣之和祛神之冥何必生

知然後為聖類

窠窠

窠窠者蛇身人面貳負臣所殺也

窠窠無罪見害貳負帝命羣巫操藥夾守遂淪溺

淵變為龍首

正字通

服常琅玕

服常樹其上有三頭人伺琅玕樹

服常琅玕崑山奇樹丹實珠離綠葉碧布三頭是

伺遞望遞顧

海內北經

吉量

大封國有文馬編身朱鬣目若黃金名曰吉量乘之壽千歲

金精朱鬣龍行駿蹄拾節鴻驚塵不及起是謂吉

量釋聖爨里

蛇巫蠅犬大蠶朱蛾

蛇巫之山上有人操杯而東向立○蠅犬如犬青食人從首始

○大蠶其狀如蠶
朱蛾其狀如蛾

蛇巫之山有人操杯鬼神蚰犬生為妖灾大蠶朱

蛾羣帝之臺

鬪非據比之尸 祿戎 鬪非人面而獸身青色○據比之尸其為人折頸被髮無一手

○祿其為物人身黑首從目○戎其為物人首三角

人面獸身是謂鬪非被髮折頸據比之尸戎三其

角祿豎其媚 正字通引末二句按此四物合贊

騶吾 林氏國有珍獸大若虎五彩畢具尾長于身名曰騶吾乘之日行千里

怪獸五采尾參于身躋足千里倏忽若神是謂騶

虞詩歎其仁

冰夷 從極之淵深三百仞紺冰夷恒都焉冰夷人面乘兩龍

稟華之精練食八石乘龍隱淪往來海若是謂冰

仙號曰河伯 又曰水上冰輪潛映洞川赤松是

服靈蛻乘煙吐納六極升降九天 並類聚

王子夜之尸 王子夜之尸兩首兩股胸首齒皆斷異處

子夜之尸體分成七離不為疎合不為密苟以神

御形歸于一

宵明燭光 舜妻登比氏生宵明燭光處河大澤

水有佳人宵明燭光流耀河媚稟此奇祥維舜二

女別處一方

朝鮮

朝鮮在列陽東海北山南列陽屬燕

箕子避商自竄朝鮮善者所在豈有隱顯

正字通

大蟹陵魚

姑射國在海中屬列姑射西南山環之大蟹在海中○陵魚人面手足魚身在海中

姑射之山實栖神人大蟹千里亦有陵鱗曠哉溟

海含怪藏珍

蓬萊

蓬萊山在海中上有仙人宮室皆金玉爲之鳥獸盡白望之如雪

蓬萊之山玉碧構林金臺雲館皓哉獸禽實維靈

府玉王甘心

海外東經

埤端璽喚監沙居繇

國在流沙中者埤端璽喚○國在流沙外者大夏監沙居繇月

夫之國

監沙居繇埤端璽喚沙漠之鄉絕地之館或羈于

秦或賓于漢

都州

都州在海中一日郁州郭注今在東海胸縣界

南極之山越處東海不行而至不動而改維神所

運物無常在

韓鴈始鳩

韓鴈在海中都州南○始鳩在海中韓屬南郭注並國名或曰鳥名也

韓鴈始鳩在海之州雷澤之神鼓腹優游瑯琊

嶢邈若雲棲

漳水

漳水出山陽東東注渤海入章武南

川瀆交錯渙瀾流帶通潛瀾下經營華外殊出同

歸混之東會

大荒東經

大壑

東海之外大壑

寫溢洞穴曠昏龍燭爰有大壑號為無底

靖人

有小人國各靖人

焦僥極麼靖人唯小四體具足鬚眉才了

類聚本脫下句

女丑大蟹

海內有兩人名曰女丑女丑有大蟹

女丑大蟹其廣千里海陽專車日包云其比

大荒西經

嘘

有神人面無臂兩足反屬于頭上名曰嘘

脚屬于頭人面無手厥號曰嘘重黎所處

正字通

弱水

崑崙邱下有弱水之淵環之其外有炎火之山投物輒然

弱出崑山鴻毛是沉北淪流沙南

火林惟水之

奇莫測其深

類聚

炎火之山

見上

木含陽氣精構則然焚之無盡是也火山理見乎

微其妙不傳

魚婦

互人國有魚偏枯魚曰魚婦顛頊死即復燕郭注言其人能變化也

炎帝之苗實生氏人

按經文作互人

死則復生穠厥身為鱗

雲南是託浮游天津

正字通

大荒北經

若木

大荒之中有衡石山九陰山河野之山上有赤樹青葉赤華名曰若木

若木之生崑山是濱朱華電照碧葉玉津食之靈

智為力為仁

類聚

海內經

都廣之野

四南黑水之間有都廣之野后稷葬焉

都廣之野珍怪所聚爰有膏穀鸞歌鳳舞后稷託

終樂哉則土

類聚

猩猩

長四九邱有青獸人一名曰猩猩

能言之獸是謂猩猩厥狀似猴

御覽作獾

號音若嬰自

然知往類識物情

類聚

封豕 有羸民鳥
足有封豕

有物貪婪號曰封豕薦食無厭肆其殘毀羿乃飲

羽獻帝效伎 類聚

延維 有人焉人首蛇身長如轆左右有首衣紫衣
冠旃冠名曰延維人主得而饗食之霸天下

夔稱一足蛇則二首少不知無多不覺有雖資天

然無異駢拇

翠鳥 有翠鳥
有孔鳥

翠雀麋鳥越在西海羽不供用肉不足宰懷璧其


罪賈害以采 類聚

虺

蛇之異狀厥名爲虺其尾似頭八頭似尾

正字
通





海委元言金

三三

